

- 655 *PA.* pater, si ex mē illa liberos vellet sibi  
 aut sese mecum nuptam, sati' certo scio,  
 non clam me haberet quae celasse intellego. 35  
 nunc quōm ēius alienum esse animum a me sentiam  
 (nec conventurum inter nos posthac arbitror),
- 660 quām ūb rem reductam? *LA.* mater quod suasit sua  
 adulescens mulier fecit. mirandum[ne] id siet?  
 censem te posse reperire ullam mulierem 40  
 quae careat culpa? an quia non delincunt viri?
- PH.* vosmet videte iam, Lache et tu Pamphile,  
 665 remissan opu' sit vobis reductan domum.  
 uxor quid faciat in manu non est mea:  
 neutra in re vobis difficultas a me erit. 45  
 sed quid faciemu' puero? *LA.* ridicule rogas:  
 quidquid futurumst, huic suōm reddas scilicet
- 670 ut alamu' nostrum. *PA.* quem ipse neglexit pater,  
 ego alam? *LA.* quid dixti? echo än non alemu', Pamphile? 50  
 prodemu' quaeso potiu'? quaē haēc amentiast?  
 enīmvero prorsu' iam tacere non queo;  
 nam cogis ea quae nolo ut praesente hoc loquar.
- 675 ignarum censes tuārum lacrumarum esse me 55  
 aut quid sit id quod sollicitare ad hunc modum?  
 primum hanc ubi dixti causam, te propter tuam  
 matrem non posse habere hanc uxorem domi,  
 pollicitast ea se concessuram ex aedibus.